



06 OCT, 2020

Patuhi SOP disediakan kerajaan di kawasan PKPB

Berita Harian, Malaysia

Page 1 of 2

Patuhi SOP disediakan kerajaan di kawasan PKPB

Kuala Lumpur: Mesyuarat Khas Menteri-Menteri semalam bersempena melaksanakan Perintah Kawalan Pergerakan Bersyarat (PKPB) di Kota Kinabalu, Penampang dan Putatan di Sabah.

Sebelum ini, kerajaan menguatkuasakan Perintah Kawalan Pergerakan Diperketatkan Bersasar (PKPDB) Secara Pentaliburan di Lahad Datu, Tawau, Kunak dan Semporna di Sabah sejak 20 September lalu sehingga 12 Oktober ini.

Menteri Kanan (Keselamatan), Datuk Seri Ismail Sabri Yaacob, berkata arahan PKPB itu berkuat kuasa pada jam 12.01 tengah malam ini.

"Pergerakan keluar masuk di ketiga-tiga kawasan PKPB ini adalah tidak dibenarkan. Hanya perkhidmatan perlu termasuk kilang dan rantaian yang berkaitan dibenarkan."

"Pihak Kementerian Perdagangan Antarabangsa dan Industri (MITI) akan menyenaraikan jenis perkhidmatan perlu yang terbabit di kawasan berkenaan," katanya dalam kenyataan semalam.

Ismail Sabri berkata, pelaksanaan PKPB itu adalah bagi membendung jangkitan dan penularan COVID-19 dalam kawasan berkenaan serta membolehkan aktiviti pengesaman kes secara bersasar dilaksanakan.

Justeru, kerajaan mengeluarkan prosedur operasi standard (SOP) yang perlu dipatuhi di kawasan PKPB berkenaan.

Sementara itu di Kota Kinabalu, Ketua Menteri Sabah, Datuk Hajiji Noor, berkata kerajaan negeri memohon menutup sekolah, termasuk TASKA, pusat jagaan, TADILKA dan TABIKA sebagai langkah tambahan penguatkuasaan larangan rentas daerah yang bermula Sabtu lalu hingga 16 Oktober ini.

Katanya, langkah itu diputuskan Jawatankuasa Pengurusan Bencana Negeri Sabah COVID-19 berikutan peningkatan jumlah kes positif COVID-19 kepada tiga angka yang dilaporkan di negeri ini sejak beberapa hari lalu.

Beliau berkata, jawatankuasa berkenaan turut memutuskan untuk menutup tempat tumpuan umum seperti rumah ibadat, premis perniagaan termasuk pasar raya, kecuali yang menjual perkhidmatan dan barang perlu, selain tamu serta pasar malam.

Katanya, pelaksanaan langkah yang diputuskan jawatankuasa berkenaan tertakluk kepada persetujuan Majlis Keselamatan Negara (MKN) yang bertanggungjawab dalam usaha menangani penularan pandemik COVID-19 di negara ini.



Pekerja stesen minyak, Hafizy Samsuddin (kiri) dan Erna Tina Hamsyah meletakkan penghalang berikut Perintah Kawalan Rentas Daerah yang turut mengehadkan masa operasi di Tanjung Aru, Kota Kinabalu.

(Foto Adam Arinin /BH)

taman permainan tertutup atau terbuka.

Turut diputuskan ialah pemutusan perpustakaan awam dan mengurangkan 50 peratus kapasiti sebenar penumpang bagi perkhidmatan bas henti-henti yang beroperasi di seluruh negeri.

Beliau berkata, jawatankuasa berkenaan turut memutuskan untuk mengehadkan kapasiti kendaraan persendirian kepada dua orang dan menjadikan stesen kuarantin yang diwartakan sebagai pusat wad tambahan atau rawatan pesakit.

"Kerajaan negeri berharap supaya perkara ini dipersetujui dan diluluskan oleh MKN dan pelaksanaannya berkuat kuasa serta-merta sehingga 16 Oktober 2020.

"Semua rakyat Sabah diingatkan untuk sentiasa mematuhi arahan SOP yang ditetapkan oleh kerajaan dan dinasihatkan untuk memainkan peranan masing-masing dalam memerangi pandemik COVID-19 dengan penuh tanggungjawab," katanya.

Sabah mencatat peningkatan kes positif COVID-19 kepada tiga angka bermula 1 Oktober lalu hingga semalam dengan 138 kes pada 1 Oktober, diikuti 133 kes pada 2 Oktober; 155 kes (3 Oktober) dan 126 kes (4 Oktober), dengan bilangan kes yang masih dirawat di wad sebanyak 1,206 orang.

"Jawatankuasa itu juga memutuskan untuk melaksanakan perkara berikut tertakluk kepada persetujuan MKN. Pertama, hanya membenarkan operasi perniagaan untuk perkhidmatan dan barang.

"Kedua, menutup pasar raya, kecuali yang membekalkan perkhidmatan dan barang perlu

serta tidak membenarkan orang ramai makan di restoran, kedai atau gerai makanan," katanya dalam kenyataan, semalam.

Selain itu, katanya, keputusan turut dibuat untuk menutup tamu, pasar malam dan pasar tani, rumah ibadat termasuk surau, masjid, gereja dan tokong serta taman awam, pusat rekreasi dan



06 OCT, 2020

Patuhi SOP disediakan kerajaan di kawasan PKPB

Berita Harian, Malaysia

Page 2 of 2

SUMMARIES

Kuala Lumpur: Mesyuarat Khas Menteri-Menteri semalam bersetuju melaksanakan Perintah Kawalan Pergerakan Bersyarat (PKPB) di Kota Kinabalu, Penampang dan Putatan di Sabah. Sebelum ini, kerajaan menguatkuasakan Perintah Kawalan Pergerakan Diperketatkan Bersasar (PKPDB) Secara Pentadbiran di Lahad Datu, Tawau, Kunak dan Semporna di Sabah sejak 20 September lalu sehingga 12 Oktober ini. Menteri Kanan (Keselamatan), Datuk Seri Ismail Sabri Yaakob, berkata arahan PKPB itu berkuat kuasa pada jam 12.01 tengah malam ini.